



Si May at Ang Paghahanap Niya ng Dagat

Đỗ Giáp Nhất
Lê Thị Mai Phương



Napapalibutan ng napakaputing ulop ang baryo namin.

"Ang among baryo naman ay may kulay itim na buhangin," kwento ng aking guro. "Kasing-itim ng uling."



Tinuturuan niya kami ng mga alpabeto at mga numero. Walang nakakaalam sa amin kung saan matatagpuan ang kanyang nayon. Kapag ako'y nagtatanong, tangi niyang sinasabi na, "Ako'y mula sa nayon malapit sa dagat."



"Saan iyon?" Tanong ako. "Malaki ba ang kalabaw sa nayon mo? Mataba ba ang baboy sa nayon mo?"


"Walang malalaking kalabaw o matabang baboy ang dagat. Ang dagat ay maraming isda at mainit na sikat ng araw."



Gustong gusto ko ang imaheng iyon. Mainit na dagat!

Ayoko sa aming nayon. Walang sikat ng araw, puro lamang hamog.

"Gusto kong makita ang dagat!" sabi ko sa aking guro.



"Napakalayo ng dagat," sagot ng aking guro. "
Hindi mo makikita mula rito."

"Pero ang sabi ng nanay, kapag nasa isang
mataas na lugar ay malayo ang maabot ng
iyong tanaw," sagot ko.



Tumakbo ako paakyat sa burol, tumingkayad sa gilid at tumingin sa ibaba. Tanong ng aking guro, "Ano ang nakikita mo?"



"Nakikita ko ang mga bulaklak ng aratiles at mga bakang kumakain. Ngunit hindi ko makita ang dagat!"



"Kung gayon ay hindi pa sapat ang iyong taas,
" sabi ng aking guro.

"Tatayo po ako sa malaking bato dito."


Tinulungan ako ng aking guro na umakyat.



"Nakikita mo na ba ang dagat?" tanong niya. "Hindi pa rin po! Hagdan-hagdang palayan lamang ang nakikita ko," malungkot kong sagot. "At may nakikita akong mga magsasaka na puno nang putik habang nagtatrabaho sa palayan. At mga babaeng may dalang bayong patungong tindahan."



"Kailangan kong tumayo nang mas mataas.
" Sinabi ko sa aking guro na aakyat ako sa
pinakamataas na puno sa burol!



"Ano na ang nakikita mo ngayon?" tanong ng aking guro.

"Nakikita ko ang talon at ang maningning na tubig-sapá," sa isip-isip ko.

"Nakapaganda pala ng aming baryo," pahayag ko. "Pero gusto ko pa rin pong makita ang dagat."



"Bumaba ka na, May," sabi ng aking guro.
"Napakalayo ng dagat. Kailangan mong maghintay hanggang sa matutunan mo ang alpabeto, hanggang ang iyong mga paa ay kasingtigas ng bato at maaari kang maglakad hanggang doon. Pero may ideya ako pansamantala."



"Halika!" sabi ng aking guro. "Tingnan mo ito. Isa itong aklat. Sa loob ng aklat ng ito, makikita mo ang dagat at iba bago at mahiwagang bagay."



Puro kulay asul ang nakikita ng aking mga mata. "Ano ito, guro?" tanong ko.

"Ito ang ibabaw ng dagat. Ang dagat ay binubuo ng daan-daang ilog. Ang ilog ay binubuo ng daan-daang sapà."



“Ano naman ito?” Itinuro ko ang isang kakaibang hugis. “Ano itong kahoy na piraso na may tela?”

“Ang piraso ng kahoy na iyon ay isang bangka. Ang telang iyon ang layag. Isa itong bangkang pangisda, May. Ang dagat ay may mga isdang kasing laki ng mga bahay!”



Tahimik akong napa-isip. Kung ang mga isda ay kasing laki ng mga bahay, sa tingin ko napakalaki ng dagat. "Akala ko napakalayo ng dagat para sa akin pero narito lang ito, sa isang maliit na aklat!" bulalas ko, napapangiti habang kausap ko ang aking guro.





Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.

To read more books like this and get further information,
visit: letsreadasia.org

Original Story

Si May at Ang Paghahanap Niya ng Dagat (*May Searches for the Sea*). Author: Đỗ Giáp Nhất. Illustrator: Lê Thị Mai Phương.

Published by Room to Read, © Room to Read. Released under CC-BY-4.0.

This work is a modified version of the original story. @ The Asia Foundation, 2022. Some rights reserved. Released under CC-BY-4.0.



For full terms of use and attribution,
<http://creativecommons.org/licenses/by/4.0/>

Contributing translators: Eden Alcantara, Haidee Domanais, Orland Solis, Solus Solaine, Sarah Gayle Gimenez, and Murk Abanto